

孟子
子
札
記

孟子札記卷之一

孫宗楚

雪庵范爾梅手著

後學靳之昇校輯

孟子見梁惠章

孫鍾靈

顯王三十三年乙酉

通篇有提挈有照應有詳畧有頓挫浩然之氣溢于楮墨間矣

王曰何以利節

春秋書郕鼎書取濟西田垂戒深矣孟子之意猶是○此節春秋時事也未有節三代盛時事也

賢者而後樂二句

妙甚

詩云經始靈節

此豫四之由豫所以異于冥豫也○辛復元欲畫一幅靈臺圖妙妙

湯誓曰時日節

道理爛熟只從樂字作一轉語遂成千古妙論

梁惠王曰寡人章

孟氏胸中有王道蕩蕩在聞梁主之盡心可一大笑也雖欲不藐大人得乎○前章言仁義言偕樂只龍統說而王不能復問此章始詳言之孟子欲舉戰國為三代生平經濟括于

三四節中矣

狗彘食人食節

今之富貴人讀之曾不動心耶

梁惠王曰晉國節

一片私心○魏文侯師子夏田子方武侯用吳起惠王不能
用孟子而用龐涓是時齊威王用四臣孫臏秦孝公用商鞅
孟子對曰地方節

此句下得突兀雄偉

王如施仁政節

文氣橫溢不可遏如決江河○說到撻秦楚文有光焰萬丈

之勢下二節有轉圜石于千仞之勢此所以王齊如反手也
末節能以衆正可以王矣

孟子見梁襄王章

史記惠王三十五年招賢孟子淳于髡至梁次年惠王卒○
梁襄王不若齊襄王之足以有為○以居天下之廣居之大
儒而臨庸主真不足當一盼去志決矣○應對如流真命世
之雄才以齊王猶反手意亦如此○屈子天問萍號起兩何
以興之不嗜殺是也

齊桓晉文章

文法似公穀而浩然之氣過之

莊暴見孟子章

元德秀之聯袂歌于蒍與孟子之言異而意則同○與治上
同一機軸熟讀之足以豁人胸臆

文王之囿章

民猶以為小句下得異樣出色聳動人下二段議論都從此
句生出

交鄰國有道章

前半仁知字天字後半大勇字民字俱是大眼目大道理大
議論非孟子命世之才不能道

雪宮章

閒論賢者之樂都歸到同民上亦治上好樂之意也孟子之論千變萬化而不離其宗

樂民之樂節

益九五有孚惠心有孚惠我德大得志也

夏諺曰數句

損上益下民悅無疆易之由豫是也

從流下而忘反節

易之冥豫是也庶其成有渝乎冥升是也庶其反而為不息之貞乎

景公說節

一時之有學惠心景公有之

人皆謂我章

論王政即是道性善故曰善哉言乎好貨好色推之即盡性
事

四境之內不治句

法語

所謂故國者章

為天下得人者謂之仁此王政之大要領

國君進賢節

說命曰惟衣裳在笥

孟子本義 卷一
左右皆曰賢節

王制官民材三个然後字同此

湯放桀章

論堯舜則曰天子不能以天下與人論湯武則曰未聞弑君也非命世之英不能有此超絕一世之識

爲巨室章

無惑乎王之不知也與此章一意爲之三嘆

首節

不知知臨行中之道○齊王固不足有爲且說今之學者能知孟子所學是何物事

次節

魏牟與趙孝成王之論尺帛與此正同

取之而燕民悅節

拈出民字妙甚行險而順毒天下而民從之師之貞也○說
命惟甲冑起戎惟干戈省厥躬

以萬乘之國節

此須原筮元永貞

齊人伐燕取之章

齊取燕只是利字孟子不許其取只是仁義字豫之利建侯
行師者順以動也○臣聞七十里云云如黃河之水天上來

此浩然之氣也○十一征而無敵于天下便是浩然之氣所
到德之流行速於置郵而傳命快哉○齊書人貶也書取深
罪齊也凡書救者善之魯取南陽齊取燕不義甚矣孟子溪
非之遂去齊○是時蘇秦為燕說齊使復歸燕十城

鄒與魯閔章

鄒與者鄒為主○此孟子中感應篇也而穆公之不足與有
為亦見矣

出乎爾者數句

春秋書於越入吳亦此義

間于齊楚章

觀楚嬰齊伐莒而莒潰則知孟子之得本計衛遷帝邱義亦
同此

竭力以事大國章

梅按春秋書紀侯大去其國無貶焉莊四年○或遷或守孟

子自有大作用必謂主于效死則拘儒之見也微子就封于
宋矣滕不能為太王則如紀之不爭而去紀季之以鄫歸齊
是亦一道也○後二十年滕乃為宋王偃所滅

魯平公將出章

說苑謂國有社鼠倉之謂與○天字甚大從孔子得來○梁
齊如彼鄒魯如此滕薛則甚微矣孟子雖欲援天下不可得

而民之憔悴虐政者至是絕望矣後之讀者不能無感于斯
○或曰時君能用孟子則如之何曰下章答公孫丑者是也
夫子加齊之卿相章

每讀此章如登泰山而望滄海真大觀也

子好勇乎節

反身而誠樂莫大焉自反而縮勇莫大焉

我知言節

此二句聖賢大本領得此二句何難做掀天揭地之事委靡
不振者可以勃然興矣

至大至剛節

至此乃見聖賢之大卿相事業直滄海一粟耳

配義與道節

人能弘道少不得一配字

是集義所生節

充實而有光輝之謂大著則明即浩然矣浩然則沛然莫之能禦矣非然則索索矍矍中未得也

必有事焉節

論浩然處極廣大論善養處極精微真足拓開心胸推倒一世辛復元喜讀浩然章豈欺我哉

何謂知言節

不逆億而先覺者知言是也聞一知十者亦知言是也如鑑之空鏡之明而物無遁情知止而定靜安慮何動心之有程子堂上之論精矣程子開示後學之切不一而足而人莫之知也噫

惡是何言也節

知者不惑仁者不憂勇者不懼正是不動心

姑舍是節

孟子何等期許丑乃以管晏相擬耶誠齊人之見乃所願則學孔子也句

杜詩云會當凌絕頂一覽衆山小可況願學之意

然則有同與節

千古快論○真出類拔萃之詣尋常何能得到然猶未至精微處

豈惟民哉節

迎陵仙禽之鳴自不同

以力假仁者章

此論大有功于世○此與蟋蟀章參看而學術中亦有此二種

以德服人數句

易之類此

孟子精義
卷一
仁則榮章

此仁字即上以德行仁也與下孟師文王章同

如惡之節

季梁勸隨修政而楚不敢伐

永言配命節

豫順以動故天地如之

廛無夫里之節

此廛指民廛觀注桑麻字民字本文夫里字自明

信能行此節

提出天字孟子本色即湯武身分也○此即以德行仁之實

即仁則榮也妙甚

先王有不忍節

註察字推字與不忍一牛章同旨

所以謂人皆有節

以太山巖巖之氣象而發此論可想仁義中正○此千古聖賢真種子也孟子道性善本諸此朱子謂本體之明未嘗息後儒滿街聖人之說亦本諸此王霸之辨亦在此○朱傳從天地說下是眼界大處

由是觀之節

議論如下坂走丸

孟子卷一
人之有是四端節

痛切極矣○前後五章皆示諸侯以行仁而此章尤詳明真切闡發性善之微旨其示人也至矣

孟子曰矢人章

尊賢使能者仁則榮也矢人章不仁則辱也曲折反覆只是一意其開示人主者至深切矣

子路人告之節

損之六四

大舜有大節

此見沛然決江河氣象孟子言此其學已到至處也

伯夷非其君章

薰蕕不同器而處士以魯男子之不可學柳下惠之可為法
○惠之破觚為圓未易效也○伯夷何等氣象柳下何等氣
象孟子不由又何等氣象古今來十分出色人亦十分出色
文字○君子不由大而非夸所謂舉頭天外望也胸中固有
始終條理在

域民不以封疆節

春秋書治兵浚洙之義○如河源天上倒流入海

以天下之所順節

君子有不戰如湯事葛文事昆夷大雅臨衝閒閒一章是也

三二 才言
○明達透快之至真足破七書之謬相其筆勢亦古文中所未有其原則易之豫順以動也

孟子將朝王章

湣王時孟子在齊

故將大有爲節

在損之九二曰利貞征凶弗損益之孟子以之○吳楚不求劇孟亞父謂其無能爲況超于劇孟者

湯之于伊尹節

戰國有孟子斯道重于泰山故曰見且不得亟况得臣乎秦漢而下此風掃地

前日于齊章

交以道接以禮孔子受之矣非其義也非其道也伊尹不取也子華使齊孟子居鄒等章皆是物也○皆是也妙豈若仲子之庶子子為義哉

若于齊節

恭敬而無寔不可虛拘況貨取乎孟子所以辭十萬也

然則子之失伍節

法語

今既數月矣二句

巽語

五二 木言
蜺鼃諫于王節

蜺鼃可人也

齊人曰節

齊人所知者談天衍雕龍夔炙轂輶髡耳烏足以知孟子
吾聞之也節

進退綽綽雖是這等說然不勝悲天憫人之感矣

前半蹇之六二後半蠱之上九孟子渾然是易○無官守無
言責却有作用距心蜺鼃二章是也不然則所謂恒其德貞
夫子凶者孟子其匏瓜也耶

孟子爲卿章

此見孟子泰山巖巖氣象孔子之于陽貨則大而化○天下有山遯

孟子自齊章

今小戴禮大半記喪葬此章都包括得

沈同以其私問節

梅按鄭魯以防與許田相易春秋罪之而況國乎子瞻之事寔蘇代啟之代亦小人哉

齊人伐燕節

如晉侯之執曹伯歸于京師可也

此章見春秋之義此五伯所以為三王之罪人也春秋之法

以賢治不肖不以亂易亂若魯僖之伐邾取須句奚貴焉又取濟西田

燕人畔章

燕之亂齊王與燕太子平約平因衆攻子之不克構難數月齊令章子將五都之兵伐之噲死子之亡二年燕立太子平為昭王昭王卑身招賢師事郭隗恤民富國用樂毅伐齊大敗之湣王亡莒後昭王卒惠王以騎劫代毅齊田單擊敗之齊襄王立齊與燕相尋于干戈蓋數十年

此正一日暴十日寒無惑乎王之不知也若孟子知言之至則固有以知其遂非文過而不能解也

周公之過二句

无妄之疾勿藥有喜周公之遇也

孟子致爲臣章

不敢請耳固所願也仁之至義之盡後幅龍斲之論最高可

見泰山巖巖氣象

異哉乎叔疑節

漢天漢權酒沽風益下矣

子爲長者節

以子思自處便真不愧子思此是何等身分

夫出畫節

孟子言
此與孔子赴公山佛肸之意同安天下為東周聖人體道之
大權惓惓之餘意千古如見

由周而來二節

眼在天下古今小儒何得望其涯際邵子經世書庶幾近之
○孟子真自信為戰國之第一人學者讀此亦當立志

孟子去齊居休章

有去志其識高不受祿其行高其久于齊則是知其不可為
而為之者未易一二為公孫氏言也豈直為師命哉

孟子去齊固見惓惓之餘意然觀其賤丈夫之論子思之論
安齊安天下之論王者名世之論則真登太山而小天下之

氣象也學者須識此氣象

赧王元年孟子去齊後三十年湣王滅宋燕昭命樂毅伐齊
湣走莒子襄王立○齊湣王子襄王子建

滕文公爲世子章

性善堯舜四字古今治統道統括盡矣孟子生平所學亦括
盡矣學者萬萬莫當講書看了也○快論至論超出戰國諸
子之上

夫道一而已句

陸子靜心同理同之論正此意

成覲謂齊景節

子張之喪公明儀為志焉尊師也○顏子克己是有為舜只是無我

滕定公薨章

此正性善之至真處也合觀下孟齊宣短喪論語宰我問喪二章及禮三年問等章可見矣

滕文公問為國章

七篇大半言養

是故賢君節

從根本處說下來大學曰驕泰以失之

陽虎曰節

仁字是大本原

殷人七十而助節

助雖九一其寔十一之一○除廬舍猶輕于貢

設爲庠序節

學亦兼四代所謂思兼三王

有爲神農章

義之盡寔爲仁之至義字仁字大眼目○舌鋒筆鋒皆第一

真雄辨也

后稷教民節

易曰飲食必有訟訟必有衆起履然后安此大人所以勞心

也

堯以不得舜節

臨五行中堯舜以之

江漢以濯數句

楚詞少司命曰與汝沐兮咸池晞予髮兮陽之阿此即澡身
浴德高望尼山消息

墨者夷之

墨子數折公輸子誠異敏之士其無愛非好異之過與

他日又求見節

議論妙甚此納約自牖之道

陳代曰不見章

此章真是辟立萬仞氣象與孟子首章大學末二節都說得

周匝

如以利三句

直是見金夫不有躬矣

昔者趙簡子節

梅按簡子趙武之孫也子襄子無卹無卹之孫趙籍為諸侯
如枉道而從彼句

是蘇氏所謂襄天

陳后山詩曰當年不嫁惜娉婷傳粉施朱學後生不惜捲簾

通一顧怕君着眼未分明此孟子不見諸侯之義

居天下之廣居節

此最見泰山巖巖氣象拓開心胸推倒一世快哉○先大父大書此段示家壁其心契先賢垂裕後昆至矣

士之失位也節

顧公問夫人縵三同于三推之數何也曰婦人禮質不嫌與后同如蠶于北郊皆同也○禮文詳見祭義注節錄之

晉國亦仕國節

當日縱橫之士皆見金夫而不有躬者鑽穴隙之論極為痛

切

古之人二句

損之九二中以為志也○只是仁之至義之盡如四時之錯行孔孟歷遊心事若合符節夷惠尹都稍偏些子也

非其道二段

橫絕一世之識

於此有人焉數句

是何等人物所謂舉頭天外望無我這般人

宋小國也節

隨不能用季梁而卒敗于楚息犯五不韙而致敗亦宋偃之類也○魯襄時楚伐宋宋自取之也○偃又一宋襄

湯居亳三節

葛今河南寧陵地湯事葛樂天者保天下之氣象也初征自
葛一怒而安天下之民下視宋偃何啻霄壤哉孟子議論如
泰山壓卵耳○二怨字妙甚

有攸不為臣節

古人引經如此只取大意豈若後世拘儒句櫛字比哉
不行王政節

春秋同盟于清邱亦不行王政耳焉用盟○緣木求魚二節
即此章之註疏伯必有大國王不待大皆此意也○宋偃荒
淫如桀紂為齊潒所滅與楚魏三分其地較之宋襄抑又下

矣孟子知之矣

孟子謂戴不勝章

王即宋偃薛居州如白沙在泥將染而黑其奈何哉

曾子曰脅肩節

二子何等氣骨近日傅公他有此風節

外人皆稱夫子章

此章純乎易理熟于河洛先後天卦氣諸圖自見

聖王不作節

此論與書趙盾許止弑君父之法同

吾爲此懼節注

讀書錄關佛甚多至于老子却節取之

我亦欲正人心節

孟子蓋天吏之言官也不辨則無以順天休命大矣哉

匡章曰陳仲子章

下孟論仲子寥寥數語有千鈞之力此章則如長江大河一
瀉千里學者勿徒看其筆力須看其識力乃是身在堂上辨
堂下人曲直也

是何傷哉節

仲子之織屨不若魯叔肸之織屨魯叔肸織屨而不食宣公
之祿春秋賢之仲子者學叔肸而誤者也戴非宣公比也

仲子齊之世家二節

上節案下節斷

孟子札記卷之二

孫宗楚

雪庵范爾梅手著

後學范鉉金校集

靳璠

上無道揆節

履之六三是也

齊景公曰既不能令節

春秋以人合天而不任天以義立命而不委命申之會是也

孟子曰自暴章

世間多有恁地吃麪糊人不仁者可與言哉○此章為愚不肖言之

孟子曰道在爾章

此章為賢智者言之

是故誠者二節

特加思字至字妙末二句更補得融洽○何以思誠曰主忠信○有孚盈缶終來有他吉觀春秋蕭魚之會可見

孟子曰伯夷辟紂章

此與上章俱逆起文勢最妙

語意大類巨室章歆動世主者至矣

故善戰者服上刑節

後篇一則曰大罪也一則曰輔桀也此則曰服上刑真罵得

快世固有演千金劇本者乃次上刑者也春秋貶長勺之戰其誰知之○此正所謂並秋殺盡見者而寔則春生也

孟子曰恭者不侮章

此五伯假之之餘習可厭之甚

淳于髡曰男女章

程子曰秦漢以下儒者不識權今觀之髡早不識權也則亦炙轂輻耳○荀子論孝子于親之溺捽其髮而拯之古者易子而教之

若賢子即不易而教亦可蔡元定范純仁父子是也

孟子曰事孰為大章

孟子本言
此章與孝經第十章之旨同人子所當書紳也

孟子曰人不足與章

馬融作忠經十八章能道得此否孟子真大樣

孟子曰人之患在好章

舜之若決江河顏之若無若虛

樂正子從于子敖之齊

比之匪人

舍館定二句

係小子失丈夫

孟子謂樂正子章

後世學古之道者請聽之○如匡衡馬融柳州之儔有
慚德矣

君子以為猶告也

猶告妙真可與權者之識之議

仁之實章

于此見孟子醇乎醇然非孟子說不到樂之地

孟子曰天下大悅章

此章力量最大如日月之經天江河之行地也

地之相去也二節

貫通古今

歲十一月二節

此王者不令人喜怒之大規模也此天地之所以為大也
今也為臣節

論本子思而師曠之論衛出君所見畧同○梅按楚子之于
申公巫臣猶有寬大氣象若商任沙隨之會何其苛細也又
何舊君之服之有勿為戎首善矣

孟子曰無罪章

孔子入晉臨河而嘆為此也宋子哀來奔見幾也○易道也
入于左腹獲明夷之心于出門庭

孟子曰非禮之禮章

精言也此之謂盡精微

孟子曰中也養不中章

妙論足以破愚

孟子曰言人之不善章

緇衣小人溺于水君子溺于口

孟子曰君子深造章

曾之一貫下學而上達也益動而巽日進無疆

孟子曰博學而詳說章

端木之一貫即格致傳也

孟子曰言無實不祥章

唯仁人放流之

徐子曰仲尼亟稱章

益動而巽日進無疆有本之謂也無本者翰音登于天何可
長也

孟子曰王者之迹節

叙孔子如此起局何等眼界

晉之乘節

史記近是

其事則齊桓節

胡傳近是

予私淑諸人也

私淑正是不動心一章居廣居一節入孝出弟守先待後之事只不好出口

孟子曰可以取章

此正執兩用中之時擇乎中庸之時也

孟子曰天下之言性節

孟子之學光明洞達度越荀楊諸子者以此

禹稷顏回同道

同者不以迹而以心故或出或處而同心之利所以斷金

夫公明高以孝子之心五句

蒙引不若是忽連下二句一氣讀反說父母二句正說大全
無明文淺說與蒙引同

孝子之至莫大乎尊親

此節從中庸大孝章脫來

太甲悔過數句

梅按宋昭公出亡改操易行三年而復歸于宋是亦周末侯
國之太甲矣

周公之不有天下節

尹周亦施澤久

既而幡然改曰節

由豫大有得志大行也

或謂孔子於衛節

匡衡倚史高而進日燠灼于王氏五侯君子譏之

於衛主顏讎由節

進禮退義莊子所謂蟻行鵲起也柳柳州之附權臣乃借口于大人之速功何哉

吾聞觀近臣節

紀侯朝魯桓非所主矣

百里奚虞人也節

衛有南文子而智伯不能嚴衛以諫行言聽也虞公何昧昧

知虞公之不可諫節

商君之刻薄而欲擬五刑大夫亦愚矣

孔子聖之時句

時也者渾身是易易之言時者數數矣

孔子之謂集大成

孔子學三代禮樂祖述憲章刪述六經此所以大成朱子之學近之

舜尚見帝節

言必稱堯舜

曰請無以辭卻之節

萬章之見亦若惑于陳仲子之廉者孟子于仲子則曰是舍
簞食豆羹之義也且孟子不由伯夷之隘矣舉頭天外而撥
乎天理之中正豈爲孑孑之義哉故曰仲尼不爲己甚者伯
夷雖有善其辭命而至者不受也此所以隘也

孔子先簿正祭器二句

積豕之牙

孔子有見行可之仕節

權者聖人之大用夷齊未逮也

諸侯失國而後託于諸侯禮也

待寄公之禮亦不同春秋書州公寔來可見

繆公之於子思節

子思之于鼎肉穆生之于醴酒皆知微之君子也申公白公不逮此○悅賢句包末節又不能養句包下節

以友天下之善士節

此章是仲尼祖述一節真神

齊宣王問卿節

權者聖人之大用惟湯武伊尹孟子有此

王勃然變乎色三節

洩治諫而死不得同于比干者在此○註說到三仁霍光便是尚友論世之大眼孔時文能說到此否

孟子曰水信無分節

分水犀

孟子曰生之謂二節

孟子文每每如此

吾弟則愛之節

秦人之弟豈全然不愛楚人之長長之亦有差等

耆秦人之炙節

言長楚人亦由中出即後斯須之敬之意我為主也

鄉人長於伯兄一歲節

即前長楚人四句意眼前名理人自昧之

公都子曰冬日三句

公都此論妙矣

公都子曰告子曰性章

此章是七篇骨子

孟子曰富歲章

此章婆心苦口開萬古羣蒙矣

想王陽明只是看得此章透遂成一代大儒故曰个个人心有仲尼

達說如使易牙之口之于味也則下其性其字與我我字校有
着落

達說未確本節說同耆說天下之口下二節皆著天下字斷
主天下說而其字人字俱不必泥讀書只要看大旨古人不
拘字句

故理義之悅我心二句

理義二句惟熟讀七篇當自得之

孟子曰牛山之木一節

聖人看世界人如此真可哀哉而人不知也惟臨死乃悔耳
旦晝之所為有梏亡之矣

旦晝所為是甚麼試于平旦時想想○梏字妙今日皆驅而
納諸桎梏中矣不梏則得其養浩浩蕩蕩便是堯舜氣象

故苟得其養節

更進一層

孔子曰操則存節

存養主靜○此篇如夜半晨鐘足醒從來夢夢

雖有天下易生之物節

便是一部易理○吾見亦罕否之象吾如有萌句悼惜之甚
一心以為有鴻鵠將至

描寫如畫○仰視蜚鴈是也可恨哉○說約云心以體言志
以用言純用之一事便是專致梅按此處心字乃以用言說
約未確

註程子為講官一段

親賢遠奸明而已矣東方七諫曰西施媢媢而不得見嫫母
勃屑而日侍

生亦我所欲節

說約云兩甚字雖指義不義說本文却不道破正要人認出
真心來○若道破便認不出真心來麼不道破只是妙于語
言如前章結語之妙

萬鍾則不辨禮義節

則字有多少不平不可解處○時文不辨禮義而求工于辭
調非為宮室之美云云與

鄉為身死節

乞墦登壠○失其本心句應喪字

孟子曰仁人心也章

放心即前放其良心者斧斤也求即前養字學問所以養之
○文章惟求工墨度非放心而何今之言學問者却在睡裡
夢裡○而今指與真頭面

今有場師節

楚辭放山淵之龜玉兮相與貴夫礫石

公都子問曰鈞是人也章

以上三章可作一章看○桐梓章拈出身字愛養字次章拈

出養身又有善不善有小大此章又指出耳目心見養之大者在心、即前同然之心仁義之心求放心、不若人之心字孟子曰有天爵者合欲貴章

前二章口腹之害耳目之蔽此二章欲貴之惑前萬鍾不辨禮義欲富之失是皆伐之旦旦牾之反覆陷溺其心者然也
○先立乎其大則人爵趙孟之貴不能奪也

孟子曰仁之勝不仁章

一杯水是不能先立其大而宮室妻妾口腹耳目趙孟文繡之欲遂成車薪矣夫仁豈真不勝哉在熟之而已

取食之重者節

註禮食親迎禮之輕者也句須善會

堯舜之道孝弟而已矣

近而遠

夫道若大路然節

閑尹子曰善弓者師弓不師羿○王新建良知之學寔有見於此是王門宗旨也

小弁小人之詩也章

此章論仁孝

宋惲將之楚章

此章論仁義○孟子此章與首章同漢唐人都不能解此惟廣

川對膠西王之言甚有見

吾聞秦楚構兵節

春秋宋之會向戌所見甚好

孟子居鄒章

此章論義

為其不成享也

坎四之貳用缶

淳于髡曰先名實章

此章論仁髡雖齊之異士善辨而不知仁

君子亦仁而已矣

仁而已矣真足拓開心胸推倒一世

魯繆公之時公儀子為政節

並子思亦貶可知髡之辨妄也○子柳檀弓以為叔仲皮之
子子碩之兄

虞不用百里奚節

隨有季梁而不能用卒為楚敗○唐憲用裴度而穆敬不能
用○魯昭不用子家駒叔孫舍

昔者王豹處於淇節

齊辨士田巴之論魯連譏其似梟鳴也髡之辨何以異是

孔子為魯司冠節

不脫冕與遲遲字不相悖直是神化不可及此節補論語女樂節未盡之義○註孟子之所為孟子絕不明言

孟子曰五霸者三王章

此與孔子論禮樂征伐章參看可以為春秋發凡○真超絕一世之識之議胡傳似本諸此

五霸者樓諸侯註言不用天子之命也

宋以四國伐鄭而書人齊伐楚而書遂以其私也專也

五霸桓公為盛節

春秋女叔聘齊桓為之也○宰孔致胙歸遇晉侯曰可無會也齊侯不務德而動遠畧其終亂乎晉侯乃還

長君之惡節

崔杼弑君而州綽十人之死春秋不書以違君故也趙鞅憂
不聞周舍之諤諤其亦知之矣

孟子曰不教民而用之謂之殃民節

說約云此節是以利害論齊不可伐愚謂利害字未確

今魯方百里者節

春秋之義不以亂易亂○魯取濟西田于曹書曰取其義一
也

徒取諸彼以與此節

此論五伯尚不解況今之諸侯大夫乎宜其不識

孟子曰今之事君者曰我能為君章

真以三王臨今之諸侯大夫之論

白圭曰節

說約言白圭當魏文侯時李克務盡地力而白圭樂時觀變
○按文侯惠王之祖則此時白圭亦老矣

欲輕之于堯舜之道者節

言必稱堯舜

孟子曰君子不亮惡乎執

與人而無信章同意

夫苟好善節

豐之六五○十朋之益○孔子觀公子荆為政合二十五人之智可治天下

故天將降大任節

大議論

人恒過三節

益用凶事固有之也

滅孫哭孟孫吾有取焉○楚有舟師陵師之敗而子西喜○
震來虩虩笑言啞啞

范文子不欲鄢陵之戰意深遠矣李沆日奏水旱盜賊亦然
○山濤亦不欲晉伐吳○魯昭公並不能生于憂患衛衍亦

然

孟子曰盡其心者章

孟子之學已到知天命

盡其道而死者節

與二氏異處

孟子曰萬物皆備於我章

此章是仁而有天道人道之分求仁即求在我者

孟子曰行之而不著焉章

此章是知

孟子曰人不可以無恥合下章

此二章是勇橫看側看都是道理壑斷墻間妾婦一輩人真無恥之甚皆樂勢而忘道○漢陰丈人之所以慚子貢

孟子曰古之賢王好善而忘勢章

廣大自得氣象微有田子方氣味

孟子謂宋句踐章

此與尹耕有莘章全同

人知之亦囂囂節

其本領即反身而誠樂道忘勢也

窮則獨善其身二句

申上文

孟子曰待文王而後興章

孟子戰國之豪傑喚醒千百世之豪傑

孟子曰附之以韓魏章

目無韓魏即豪傑之士

孟子曰霸者之民章

先儒論周南召南之淺深可以想王道之大孟子此論其學已到至處

夫君子所過者化節

聖人以神道設教而天下服

善政得民財二句

進一層

孟子曰人之所不學章

陽明之學在此不學不慮即聖而不可知之神也人自埋沒耳

孟子曰舜之居深山之中章

孟子自寫浩然之氣

孟子曰無為其所不為章

良知

孟子曰人之有德慧章

益之用凶事

有安社稷臣節

汲黯

有民者二節

天民似孟子大人似孔子

孟子曰君子有三樂章

巍巍乎有天下而不與者以有此具也

孟子曰廣土衆民章

註中天字三見意深遠矣故學必要于復性先立乎其大者也

君子所性雖大行不加節合下節

釋氏亦能不加損但所蘊不同

孟子曰孔子登東山節

此論有若已發之于前

利與善之間也

楚莊入陳殺微舒善利分于其間

子莫執中

艮之九三○胡廣之中庸亦然○李仲元不夷不惠可否之

間

執中無權二句

權如五音十二律之旋相為宮如易之不可為典要即權也

所惡執一者節

如琴之七徽為中聲以五調論之則不專主七徽也若能致中而立天下之大本自然時中○佛老之賊道亦然

孟子曰有為者辟若掘井章

及泉之妙不可言傳逢原之謂與

公孫丑曰伊尹曰予不狎于不順節

所謂益之用凶事

何謂尚志曰仁義而已矣節

仁義乃太極之一動一靜括盡全易故大人之事脩○大學
儒行二篇此足括之

孟子曰仲子不義與之齊國章

登泰山而小天下之論真足拓人胸臆○此章已足開佛老矣

桃應問曰舜為天子章

此章乃太上貴德事非三代以下人之所可語

況居天下之廣居者乎

居廣居即善養浩然之氣而大行不加窮居不損

恭敬者幣之未將者也

所以行之者一也

孟子曰形色天性也章

二氏便遺了形二之則不是

是欲終之而不可得節

漢文不得無罪

孟子曰君子之所以教者五章

聖人無論為君為師皆曲成萬物而不遺○此師道所以輔君道而與天地參也為素餐无功而食之說者何足以知之中道而立能者從之

顏之卓爾即見得中道而立而幾于從之矣

天下有道以道殉身

伊周

天下無道以身殉道

孔孟

未聞以道殉乎人者也

殉人者彼寔未有道所謂繞指柔耳

於不可已而已者二句

無人氣矣

於所厚者薄

病痿痺

孟子曰君子之於物也章

此仁之義也禮所生也故不可以不知天

急親賢也句

臨五大君之宜

不能三年節

春秋澶淵之會謀宋災是矣

孟子曰不仁哉梁惠王也章

梁二次皆屢洧為將東敗于齊威王也○一敗于桂陵○再敗于馬陵

是之謂以其所不愛二句

秦太子質于魏而卒亦然

孟子曰有人曰我善為陳節

曹劌敗齊鄭爰敗戎皆罪也長勺乘邱之戰春秋譏之

孟子曰民為貴章

此孟氏救時之論若春秋則君為重師次之為萬世立法

詩云憂心悄悄節

孟子說詩所謂破句讀楞伽者與小儒迥異

肆不殄厥愠一段

密雲不雨

孟子曰賢者以其昭昭章

賢者則黃離元吉今則日昃之離耳○荀子曰誰能以已之
焦焦受人之械械昏昏者何使人為

山徑之蹊間章

存省擴充

口之于味章

辛絳陽論洛書扶陽抑陰亦然

充實之謂美三節

有孚盈缶美在中也无妄而受以畜也美大而化則畜而受以順也

孟子曰逃墨節

春秋書荆人聘亦此意

孟子曰有布縷章

顏闔論東野畢之御馬可以鑒矣

孟子曰諸侯之寶三章

趙鞅藏寶付于常山其意亦深○王孫圉齊威王其庶幾知寶矣

盆成括仕于齊章

後世若楊修及禰正平孔北海之敗皆以此○左傳仲尼曰鮑莊子之知不如蔡蔡猶能衛其足于括亦云

夫子之設科四句

比之九五王用三驅失前禽同此

是皆穿窬句

趙廣漢善為穿窬者與

不下帶而道存焉

左傳視不下于帶襜

堂高數仞節

即君子所性二節

孟子曰養心莫善于寡欲章

即苟得其養一節損之懲忿窒慾是也

非之無舉也節

蘇模陵亦一鄉愿

孔子曰惡似而非者節

亂真者直若蛇床之與薜蘿